

二經合卷

知七

阿難陀目佉尼呵離陀經

舍利弗陀羅尼經

阿難陀目佉尼呵離陀經

劉宋中天竺三藏求那跋陀羅譯

聞如是一時佛遊於維舍離大聚樹間有精

舍名交露莊校與摩訶比丘僧三十萬人俱

時佛欲放軀命自期三月當般泥洹

爾時佛告賢者摩目加蘭令到三千大千國

土盡呼其中聲聞辟支佛種及發摩訶行者

皆使來會摩目加蘭則時受教誓首佛足作

禮而去自以功德便一舉足蹈須彌山頂承

佛威神即坐思惟我當作何三昧令三千世

界聞我請音應時三昧尋如所念十方一切

遍聞其聲時有百萬比丘來會精舍賢者舍

利弗復發念言我亦當三昧知閻浮利內比

丘所在遠近令聚則如所念應時皆集及知

處所時有四十萬比丘來會精舍

佛復告不現相菩薩濡首菩薩棄諸勤苦菩

薩出一切憂冥菩薩除一切蓋菩薩一切尊

自在菩薩其音廣聞遍見普安菩薩眾香手

菩薩一語報萬億音菩薩慈氏菩薩等汝行

到十方如恒沙等諸佛國土盡呼其中發菩

薩意已得阿惟越致及未得者已得無所從

生法忍及未得者皆令來會交露精舍十菩

薩等各受佛教誓首而去遍到十方恒沙國

土爾時八十億百千一生補處菩薩來會億

百千阿惟越致菩薩來會三十億得無所從

生法忍菩薩來會六十億淨意解脫菩薩來

會初發大意及應法住者不可計數悉皆一

類持佛威神各從十方飛來到此為佛作禮

都會共坐

時舍利弗見菩薩眾品第差異所住不同而

一等類俱飛來會即驚怖言將佛功德神力

所致用何等故來會如是舍利弗即起整衣

服為佛作禮張跪叉手白佛言我所疑怪今

欲問佛使會菩薩令得直信聞佛所說各得其所恒沙等佛所說經法當令一切皆平等聞及得清淨令無數人種種所問皆能報答行何法住常不失意疾得無上平等之道最正覺乎佛言善哉善哉舍利弗乃為諸菩薩摩訶薩故欲問其義快如是乎佛言諦聽善

知七

二

持思之吾為汝深加解說令一切聞疾得無上平等之道最正覺也佛語舍利弗是菩薩等已得應此陀鄰尼卷為已照明諸法悉為一切諸法作導所以者何用開一切人故

佛告舍利弗菩薩有四事行用得是法何等為四一者身所行常謹勅二者口所言常至

誠三者意所念常柔順四者善權方便救護一切是為四事用得是法

佛告舍利弗菩薩復有四事得不可盡空身慧何等為四一者以清淨住燒諸勤苦解散疑垢度脫一切世間人民二者以清淨住持諸經法導利一切三者以清淨住持所作功

德饒益一切四者淨諸國土過度一切使得佛法是為四事空身淨住慧不可盡

佛告舍利弗菩薩復有四事持陀隣尼目法用入生死令疾速得何等為四一者陀隣尼目法因世名色使疾得淨法二者陀隣尼目法入於忍辱三者陀隣尼目法悉入一切思

想之根四者陀隣尼目法入一切所為善惡之法使疾速得是為四事疾速得此陀隣尼目法佛告舍利弗菩薩疾欲速得阿難陀目法尼呵離陀隣尼當先學曉四十八名何等為四十八

無為 不為 普門 精勤 寂滅 照光

知七

三

順教 常念 所念 妙術 妙句 有心
無意 心無所心 解脫 行者 無動
他餘 無脫 無生 無垢行 嚴淨 名
聞 有無 無礙 調定 長光明 作合
會 甚勇 大勇 嗟歎句 不可動 不
動 等動 次堅 諦住 無礙行 普尊

精勤行 須彌 住疏 堅強力 得強力
大光明 長照明 至一切護 無斷 無

有摠持門

現在佛所說如是神呪四十八名

佛告舍利弗菩薩當念陀隣尼如是若脫若不脫法不作是念亦不知亦不了於其中不

有所增亦無所減亦不見脫亦不見不脫亦不見起亦不見滅亦不見當來過去今現在亦不見來亦不見去亦不求佛亦不轉意亦不相好亦不種好亦不眷屬亦不有戒亦不三昧亦不智慧亦不解脫亦不見解脫慧亦不坐行亦無所得亦不垢除亦不慧亦不無慧亦不教授亦不淨一切亦不有我亦不有人亦不有為法亦不精進亦不行亦不清淨亦不身亦不心亦不口亦不當來亦不過去亦不今現在亦不自為身亦不為他人身如是舍利弗是法名一切無上最法亦捨檢諸法亦入一切法中是名為念諸佛法是陀隣

尼名法之猛略聚一切法是名明解章品淨一切人滿足諸願令得名聞覺意三昧是名悉自成本功德是名法種積藏發諸意根令甚尊重相好莊嚴無能動者若天魔來亦不能壞無能奪者無能近者如是舍利弗其有菩薩聞是阿難陀目佉尼呵離陀隣尼已得

阿惟越致及無上平等之道何以故於是諸佛所行皆以具足為一切作行破壞五道生老病死及諸疑結使疾得陀隣尼

佛爾時說偈言

莫作念言法空

直信法莫中疑

知七

恐為是空所縛

是要慧無涯底

菩薩持陀隣尼

聞十方佛道教

了尼呵陀隣尼

受諸佛名決法

莫輕言得不得

則疾得陀隣尼

四

分別空得佛疾

速速近陀隣尼

為摠攝諸法則

及智慧皆悉得

譬如日大光明

淨受持得法解

此目呵陀隣尼於諸法最為上令十方人非人應悉為解所疑若受信於經道近一生補其處

諸所有現在前悉等護世間人一切中間慧義其劫竟智不盡精進持中正法即得為法王子

若持是陀隣尼名聲遍閻浮利其有持是經者八十億拘利佛有學是陀隣尼所作罪惡邪冥

則為哀一切人為世尊所稱譽臨壽終皆悉見伸手授生尊處千億萬劫數中一月中皆滅盡

若菩薩作福施不如學陀隣尼具受說陀隣尼已得意不復轉有供養是經者欲燒亂壞其意

萬億劫不懈倦一月中得停等悉得諸三昧慧當得佛有國土使三界作魔行終不能動搖是

聖

五

一切空得曉了如是語無有異於是處聞是事如恒沙數等佛諦奉持是經卷入諸佛國土法

用是生無數佛陀隣尼不可盡提和竭授我決於其時便悉見一切願皆疾得隨所宜能化度

常清淨諸佛國問名深幽妙法於姪洸皆已無八十億諸佛等常正心莫念非如是念莫不念

於眾僧無瑕穢是經卷悉能知於思惟有七覺陀隣尼悉持與不當念慎莫念後得德不可量

常當了是經事如人行入大海受福德天人樂亦當疾速得佛佛告舍利弗菩薩有四事行疾速陀隣尼法何等為四一者遠離世間愛欲二者不說他

慎莫令有狐疑終不言寶難得如是事終不遠以是故念莫離

人長短人亦不得其便三者有所求索不逆人意無所愛惜與後不悔四者晝夜精進常志求諸法是為四事舍利弗菩薩行是疾速陀隣尼佛爾時說偈言

遠眾惡離色欲
無三毒灾不生
作罪行墮地獄
捐所愛得是經

不嫉妬於他人
常等心於一切
常捐棄身所樂
不與人共從事
於晨夜常精學
常作是求上法
不自欺其親族
於身體大端正
於世間無瞋諍
便速近陀隣尼
於外道無所冀
陀隣尼自然現

佛告舍利弗菩薩有四事行疾速得是陀隣尼何等為四一者獨在空閑處二者住深法忍三者若有饋遺者不以喜四者以不惜軀命何況財寶是為四事舍利弗菩薩行是速得陀隣尼佛爾時說偈言

在空閑念正法
不輕慢於他人

知七

六

生死熾如戴火
常持意在深忍
坐宗室起等意
但供養佛與法
即毀形下鬚髮
當知空及世事
得人身當作行
於財寶足而已
不偏厚其種姓
住善力越世難
便得德入微妙
以是故棄所有

愚行者貪財利
佛告舍利弗菩薩復有四事行得是陀隣尼何等為四一者有八品字開入智慧解點中何等為八一名為波以一切著法使入空法中二名為羅如來若現相好不現相好以法身入諸法中三名為波若癡法若點法使入解慧法中四名為迦知諸殃罪所能使入功德福中五名為闍知生老疾死即於是入無色中六名為陀視諸地世間皆空不驚怪入無願中七名為舍休息諸法使入清涼中八名為又知一切法空是為八復有四事一者常思念八品字二者若書是經當諦書之三

者持是經當誦持之作是誦持讀至十五日
四者當如法行念八品字是為四事舍利弗
菩薩應用是行疾得陀隣尼佛爾時說偈言

常當念八品字

書持卷誦奉行

十五日讀莫離

勸一切求佛道

要當學開化人

得智慧疾近佛

知七

七

悉遍見十方佛

皆為現在前立

佛告舍利弗菩薩復有四事念陀隣尼得法
利何等四一者常為十方諸世尊所念二者
所作為魔不能壞其意三者宿命諸罪皆為
消盡四者初不斷至誠之說諸所問皆能發
遣是為四事舍利弗菩薩得陀隣尼法利

佛爾時說偈言

為諸佛常所念

魔不能得其便

所作罪即消滅

為一切解所疑

佛告舍利弗過去久遠世所經劫無央數復
倍無數長遠不可極不可復計劫爾時世有
佛号寶具足有德行王如來過四道不受平

等覺安定於天上天下号天中天其佛為一
切說法無能過者臨般泥洹時有遮迦越王
名曰陀樓主四天下其子字無念名聞具足
年十六是時太子行到佛所聞彼佛說陀隣
尼經聞已歡喜即得是經得已諷學常念奉
持精進不睡脅不在席七千歲不念愛欲七

千歲不念財寶七千歲不問他事七千歲常
獨一處止意不傾動七千歲爾時皆聞九十
九億不可計佛說智慧法聞已便棄國捐王
行作沙門九萬九千歲奉行阿難陀目法尼
呵離陀隣尼復為一切說在一世中教化世
間人民令八十億萬那術人皆使發阿耨多

羅三藐三菩提心速得阿惟越致

時復有長者子名月英於大眾中間是陀隣
尼聞已勸助持是勸助福德到九十萬億佛
刹供養諸佛成立功德於爾所佛國皆得諸
陀鄰尼即速得一生補處作飛行菩薩佛語
諸菩薩於是三劫中供養爾時佛過三劫已

當遠得無上平等之道最正覺爾時長者子
月英者即提想竭佛是也王陀樓子無念名
聞具足者即阿彌陀佛是也

佛告舍利弗我於毘陀羅劫中與諸菩薩說
陀鄰尼其聞是經有代歡喜用勸一切者其
所施作以勸助福超越四十萬劫不復更勤

知七

八

苦後當得道自恣其意如復供養九十萬佛
已當得無上平等之道最正覺

佛語舍利弗若有菩薩最後得聞是陀鄰尼
奉持勸助代歡喜者其德如是若有菩薩因
歡喜德若以慈心為經墮淚衣毛起者皆當
速得阿惟越致引著無上平等道中若權慧

書若持學若諷若讀舍利弗如是輩福不可
量不可稱不可說一切人民無能極者佛爾
時說偈言

若聞已加勸助
諸天人計其德
所生處常見佛

及書持諷誦讀
無能知福祐極
於深經得慧證

堅持法無能動
常定意不增減
無色想立相好
長者子聞是經
常得見無數尊
若欲疾得佛者

便疾得明解覺
諦不失陀隣尼
為世雄無有上
所生處識宿命
如所願即得佛
及速離於眾魔

欲得百功德相
如恒沙世尊刹
不如是書持者

常念是得不久
滿其中珍寶施
譬喻之終不等

佛告舍利弗若有菩薩持意念學陀隣尼時
有山名醯摩洹有八鬼神在其中常共擁護
之開人志意何等八一名勇強神二名照明

知七

九

十方神三名多所饒益神四名龍王大力神
五名至誠行神六名能調不調神七名童男
神八名快臂神是為八神名若學是經欲令
神來者淨自洗沐著新衣服當經行時常持
慈心向諸一切却乃端心讀陀隣尼當隨是
經堅奉持之則疾開解得智慧也爾時神在

前立佛告舍利弗復有八菩薩在欲天上常守護人民授與經道何等八一名照明十方天子二名世明天子三名智光天子四名日光天子五名上審天子六名滿所願天子七名星王天子八名習行意天子是爲八天子名常守護人民勸念持是經者令疾定意得

陀隣尼求是經者常當精志念陀隣尼教一法奉行無毀經戒所語至誠其行亦爾常當孝順於諸尊老視一切人如佛無異諸所愛重不以輕心常念反復即得善報乃逮深忍眼及得見無所從生法

佛說經時三十二恒沙等菩薩悉逮得陀隣尼立阿惟越致地六十億天子得無所從生法忍三萬二千天與人發阿耨多羅三耶三善意爾時三千大千國土爲六反震動雨於天華筵篋樂器不鼓自鳴時舍利弗前問佛言唯世尊是名何經云何奉行佛告舍利弗是經名阿難陀目法尼呵離陀隣尼疾使人

民得一切智佛說經已舍利弗及十方無數菩薩天與人軋陀譎阿耆倫及持世者皆歡喜前誓首佛足作禮而去

阿難陀目法尼呵離陀經

知七